

cum 1. 7. Vide Hadrianum Saraviam de diversis ministrorum Evangelii gradibus, sicut à Domino fuerunt instituti & traditi ab Apostolis ac perpetuo omnium ecclesiarum usu confirmati: de honore qui debetur ecclesiarum pastoribus, deq; sacrilegiis & sacrilegiorum pœnis. H. Zanchium confes. in append. ad cap. 25. aphor. 10. 11. Paulum Tarnovium l. 1. de SS. Ministerio cap. 23. pag. 302.

9. Errores in ecclesia grassantes publicè privatimq; refellendi sunt: omnem verò docendi operam in explicandis & refutandis hæresibus obsoletis aut peregrinis consumere, id omisso Theologiæ vivæ nucleo est consecrari putamina.

10. Ad publicæ doctrinæ vigorem & mutuam ædificationem faciunt ecclesiasticæ & domesticæ visitationes.

Visitacionum ecclesiasticarum utilitatem & necessitatem nosce apud Zepperum l. 3. polit. eccles. cap. 8. domesticarum verò, ibid. cap. 9.

11. In disciplinæ ecclesiasticæ administratione de privatis delictis privatim quidem primò monendum: publicè verò peccantes publicè sine personarum respectu perstringendi: aliter tamen infirmi, aliter securi: ad excommunicationem verò nunquam descendendum nisi omnibus aliis remediis frustra tentatis, idq; de iudicio & consensu sive presbyterii sive ecclesiæ totius.

Vide Calvin. l. 4. inst. c. 11. sect. 3. Martin. Micronium in Christiana ordinatione ecclesiæ Belgicæ Londinensis, regis Eduardi, à cap. 19. ad cap. 27. Paulum Tarnovium l. 2. de SS. ministerio cap. 23. 24.